

## ოქმი N3

ხობის მუნიციპალიტეტის საკრებულოს მეოთხე მოწვევის რიგგარეშე სხდომისა

ქ. ხობი

2019 წლის 6 მარტი

საკრებულოს წევრთა კანონით დადგენილი რაოდენობა - 37

საკრებულოს უფლებამოსილ წევრთა რაოდენობა - 37

რეგისტრაცია გაიარა საკრებულოს 32 წევრმა (რეგისტრაციის ფურცელი ოქმს თან ერთვის)

საკრებულოს სხდომაზე დამსწრე წევრთა რაოდენობა - 31 (დამსწრეთა სია ოქმს თან ერთვის)

საკრებულოს სხდომაზე დამსწრე საზოგადოების წარმომადგენელთა სია ოქმს თან ერთვის

საკრებულოს სხდომას თავმჯდომარეობდა ედიშერი ჯობავა - საკრებულოს თავმჯდომარე

### დღის წესრიგი:

- „საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ხობის მუნიციპალიტეტში 2019 წელს დასაფინანსებელი პროექტების დამტკიცების შესახებ“ განკარგულების პროექტის განხილვა

(მომხსენებელი: გ. ქაჯაია - ხობის მუნიციპალიტეტის მერი;

თანამომხსენებელი: ზ. ბუკია - ხობის მუნიციპალიტეტის მერიის ინფრასტრუქტურის, ურბანული განვითარებისა და არქიტექტურის სამსახურის უფროსი)

კენჭი ეყარა დღის წესრიგის წარმოდგენილ ვარიანტს

კენჭისყრას ესწრებოდა საკრებულოს 26 წევრი

### კენჭისყრის შედეგები:

მომხრე - 27, წინააღმდეგი - 0

(კენჭისყრას არ ესწრებოდნენ: კ. გოქაძე, ლ. ცატავა, შ. ჭილაია, რ. ხილაძე, გ. ქაძანაია)

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებული საკითხის განხილვამდე სხდომის თავმჯდომარემ საკრებულოს სახელით მიულოცა ხობელ ნუგზარ წურწუმიას 23-წლამდელთა შორის ევროპის ორგზის ჩემპიონობა. ხობელმა ფალავანმა ფინალში რუმინელი ფლორინ ტიტა პირველივე ეტაპზე აშკარა უპირატესობით დაამარცხა და წარმატებით დაიცვა შარშან მოპოვებული ევროპის ჩემპიონის ტიტული.

## დღის წესრიგით გათვალისწინებულ საკითხთა განხილვა

1. „საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ხობის მუნიციპალიტეტში 2019 წელს დასაფინანსებელი პროექტების დამტკიცების შესახებ“ განკარგულების პროექტის განხილვა

(მომხსენებელი: გ. ქაჯაია - ხობის მუნიციპალიტეტის მერი; თანამომხსენებელი: ზ. ბუკია - ხობის მუნიციპალიტეტის მერიის ინფრასტრუქტურის, ურბანული განვითარებისა და არქიტექტურის სამსახურის უფროსი)

**მოისმინეს:** ზ. ბუკია - მომხსენებელმა საკრებულოს წევრებს გააცნო განკარგულების პროექტი „საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ხობის მუნიციპალიტეტში 2019 წელს დასაფინანსებელი პროექტების დამტკიცების შესახებ“

სხდომის თავმჯდომარემ მადლობა გადაუხადა იმ მოხელეებს, ვინც ჩართულები იყვნენ რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ხობის მუნიციპალიტეტში 2019 წელს დასაფინანსებელი პროექტების შერჩევაში მოსახლეობასთან ერთად. მისი განცხადებით მოსახლეობა არ იყო შეზღუდული ისინი თვითონ იღებდნენ გადაწყვეტილებას თუ რა პროექტი განხორციელებულიყო მათ სოფელსა თუ უბანში. მცირეოდენი შესავლის შემდგომ სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ საკითხთან დაკავშირებით.

**აზრი გამოთქვეს:** მ. ქარდავა - საკრებულოს თავმჯდომარის მოადგილე - გამომსვლელმა ხამისკურის ადმინისტრაციულ ერთეულში მცხოვრები, ერთ-ერთი უბნის მოასახლეობის სახელით, მერიას მიმართა თხოვნით, რომ შესაძლებლობის ფარგლებში მათ უბანში ეკლესიასთან მისასვლელი გზის რეაბილიტაცია განხორციელებინათ.

ვ. გაბედავა - მერის პირველი მოადგილე - გამომსვლელმა პირობა აღუთქვა, რომ როგორც კი შესაძლებლობა ექნებოდათ, აუცილებლად გაითვალისწინებდნენ მოსახლეობის თხოვნას.

ე. ჯობავა - გამომსვლელის განცხადებით მომავალ ინფრასტრუქტურული პროექტების განხორციელებისას პირველი ხორგის ადმინისტრაციულ ერთეულში მცხოვრები მოსახლეობის თხოვნაც უნდა იქნეს გათვალისწინებული, საბავშვო ბალის და ადმინისტრაციული შენობის რეაბილიტაციასთან დაკავშირებით.

ა. ხურცილავა - გამომსვლელის განცხადებით შავლელის ადმინისტრაციულ ერთეულში ხორციელდებოდა სასაფლაოს შემოღობვითი სამუშაოები და თუ თანხა გადარჩებოდა

მისი თხოვნა იქნებოდა, მოხმარებულიყო სოფელში არსებული მინი სტადიონის განათების სარეაბილიტაციოდ.

ვ. გაბედავა - გამომსვლელმა განმარტა, რომ თანხა ორივე პროექტის განხორციელებას არ ყოფნის და გამომდინარე აქედან, თანხა მთლიანად უნდა მოხმარდეს სასაფლაოს შემოღობვითი სამუშაოების განხორციელებას.

დებატების დასრულების შემდგომ სხდომის თავმჯდომარემ სთხოვა, საკრებულოს ქონების მართვისა და ინფრასტრუქტურის კომისიის თავმჯდომარეს (ვ. ქანთარია) წარმოედგინა კომისიის დასკვნა განსახილველ საკითხთან დაკავშირებით.

ვ. ქანთარია - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ „საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შერჩევის პროცედურებისა და კრიტერიუმების დამტკიცების შესახებ“ საქართველოს მთავრობის 2018 წლის 28 დეკემბრის №654 დადგენილების შესაბამისად ხობის მუნიციპალიტეტის მერიის ორგანიზებით ჩატარდა დასახლებების საერთო კრებები/კონსულტაციები, სადაც განხორციელდა სოფლის მხარდაჭერის პროგრამის ფარგლებში საპროექტო წინადადებების შერჩევა. საქართველოს მთავრობის 2018 წლის 28 დეკემბრის N654 დადგენილების პირველი მუხლის მე-9 პუნქტის შესაბამისად დასახლების საერთო კრებაზე შერჩეული პროექტები დასამტკიცებლად წარედგინება მუნიციპალიტეტის საკრებულოს რისთვისაც მომზადდა ხობის მუნიციპალიტეტის საკრებულოს განკარგულების პროექტი. გამომსვლელის განცხადებით წარმოდგენილი პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიჩნია მისი დამტკიცება საკრებულოს სხდომაზე.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 30 წევრი

კენჭისყრის შედეგები:

მომხრე – 30, წინააღმდეგი – 0

(კენჭისყრას არ ესწრებოდნენ: ი. ნადარაია, რ. ხილაძე)

**გადაწყვეტილება მიღებულია**

(განკარგულება № 09 თან ერთვის)

კენჭისყრის დასრულების შემდგომ სხდომის თავმჯდომარემ ისაუბრა დეზინფორმაციის გავრცელების თაობაზე, სადაც საუბარი იყო ქალაქის ბაღებში პედიკულოზის გავრცელების

თაობაზე, რაც მისი თქმით სიმართლეს არ შეესაბამებოდა. გამომსვლელის განცხადებით პრევენციის მიზნით ინფორმაცია ადგილზე იქნა გადამოწმებული საკრებულოს განათლების, კულტურისა და სოციალურ საკითხთა კომისიის თავმჯდომარის დ. გაბუნია, აიპ „ხობის მუნიციპალიტეტის საზოგადოებრივი ჯანდაცვის ცენტრის“ და ა(ა)იპ „ხობის მუნიციპალიტეტის სკოლამდელი სააღმზრდელო გაერთიანების“ წარმომადგენლების მიერ და გავრცელებული ინფორმაცია არ დადასტრუდა. გამომსვლელმა მიმართა ოპონენტებს, ზინძურ მეთოდებს ნუ გამოიყენებდნენ და დეზინფორმაციას ნუ გაავრცელებდნენ.

დღის წესრიგით გათვალისწინებული საკითხის ამოწურვის შემდგომ საკრებულოს რიგგარეშე სხდომა დახურულად გამოცხადდა.

## სხდომის თავმჯდომარე



ედიშერი ჯობავა

მეოთხე მოწვევის საკრებულოს 2019 წლის 6 მარტის რიგგარეშე სხდომაზე დამსწრე  
საკრებულოს წევრთა სია

1. ედიშერ ჯობავა
2. მამუკა ქარდავა
3. ვლადიმერ ქანთარია
4. დავით ბერაია
5. ტარიელ ალექსანდრია
6. თეა გელანტია
7. დოდო გაბუნია
8. მერაბ ფილიპია
9. კახა ლატარია
10. ბექა მამაცაშვილი
11. თენგიზ აბაკელია
12. თემურ გულუა
13. დავით ცინაძე
14. კონსტანტინე ნასარაია
15. დიტო ხასია
16. ლაშა ცატავა
17. აბელი ქირია
18. გენადი ქაძანაია
19. კახა მიქაბერიძე
20. გოჩა სიჭინავა
21. ავთანდილ ხუნჯუა
22. გია წულაია
23. გოჩა ჯობავა
24. აკაკი ხურცლავა
25. ნიკოლოზ ვეკუა
26. კობა გოქაძე
27. მზია ლემონჯარია
28. შადიმან ჭილაია
29. იგორ გოგოლაძე
30. გიგა ნასარაია
31. ირაკლი ნადარაია